



## **A LA UNIVERSIDÁ D'UVIÉU**

### **Observaciones y suxerencies sobre la modificación del Códigu Éticu**

Iván Llera Huerta, con DNI (...), na so condición de representante llegal d'INICIATIVA POL ASTURIANU con CIF (...) y con domiciliu a efeutos de notificaciones en Avenida de Manuel Llana 68, baxo, 33208, Xixón, persónase y, respetuosamente, espón:

Que presenta esti escritu dientro del períodu de consultes a la comunidá universitaria para la recoyida d'observaciones y suxerencies sobre la modificación del Códigu Éticu de la Universidá d'Uviéu presentáu en febreru de 2020 y formula en tiempu y forma, les siguientes observaciones y suxerencies:

El documentu recueye na Parte II nel artículu 5 que “En el desarrollo de la docencia se respetarán los derechos del estudiantado, sin realizar discriminación alguna por causa de religión, etnia, sexo, identidad de género y orientación sexual, clase social o cualquier otra circunstancia personal o social”.

Nesi sentíu, la organización INICIATIVA POL ASTURIANU propón incluir dientro d'esa llista que l'usu de cualesquier llingua (con especial atención a la llingua asturiana) tampoco seya motivu de discriminación dientro del espaciu académicu. La entidá tamién pide incluir esta aclaración dientro de la Parte III del Artículu 4.

INICIATIVA POL ASTURIANU yá denunció varies situaciones de discriminación llingüística, y tovía siguen llegando quexes, pol usu llibre del asturianu dientro de la institución académica, por ello ye importante qu'esti documentu recueya que l'espresase n'asturianu nun seya un motivu de discriminación nin xenere dificultaes dientro de la Universidá d'Uviéu.

Dende la nuesa organización pídise que dientro del apartáu “Principiu y valores comunes” faiga una mención propia al asturianu. La propuesta que se fae dende Iniciativa ye: Promoveráse'l respetu y la promoción de la diversidá llingüística en toles actividaes de la Universidá, con especial atención al cuidáu pa con los usuarios de la llingua asturiana, como llingua en situación de minorización protexía polos Estatutos d'esta institución”.

P'acabar, Iniciativa pol Asturianu plantea que'l testu final s'asoleyé nel BOPA, amás de forma bilingüe (asturianu/castellán).

Por lo expuesto,

SOLICITO a la Universidá d'Uviéu tenga por presentáu esti escritu y por formulaes en tiempu y forma les observaciones y suxerencies sobre la modificación del Códigu Éticu de la Universidá d'Uviéu, que se suscriben.

En Xixón, 2 de marzu de 2020



Iván Llera Huerta

Presidente d'Iniciativa pol Asturianu